

**आकाशवाणी**

- यूरोपीय आयोग दियें अध्यक्ष उर्सूला वान डेर लायन होरें आखेया जे भारत ते यूरोपीय संघ मुक्त बपार समझौते पर दस्तख्त करने दे बड़े नेड़े पुज्जी गे न।
- चुनां आयोग नै मतदाता सूचियें दी विशेष नजरसानी आले राज्यें च 22 होर रोल Observer तैनात कीते न।
- बी.जे. पी दे राष्ट्रीय अध्यक्ष नितिन नबीन होरें केरल च होने आले विधान सभा चुनाएं लेई विनोद तावड़े होरें गी चुना प्रभारी नियुक्त कीता ऐ।
- केन्द्र सरकार नै राष्ट्रीय जरनैली सिड़कें आले टोल-प्लाजें पर शूल्क भुगतान आली बवस्था गी मजबूत करने लेई मोटर गड़्डियें सरबन्धी केन्द्रीय नियम- 2026 अधिसूचित कीते न।
- कामाख्या ते हावड़ा बश्कार “वंदे भारत” स्लीपर ट्रेन दे पैहले व्यवसायिक फेरे गी यात्रियें दी बड़ी जबरदस्त प्रतिक्रिया हासल होई ऐ।
- संतोष ट्रॉफी लेई 79 राष्ट्रीय फुटबाल प्रतियोगिता अज्जै थमां असम च शुरु होआ करदी ऐ।

<><><><><><>

**EC-SIR**

चुनां आयोग नै मतदाता सूचियें दी बशेश नजरसानी कराए जाने आले राज्यें च 22 होर Roll Observer तैनात कीते न। इंदे चा 11 नमें निगरान पच्छिम बंगाल

च तैनात कीते गे न- जिनेंगी रलाइयें हुन राज्य च Roll Observerएं दी कुल गिनतरी 20 होई गई ऐ। एह बशेश निगरान इस गल्लै गी पक्का करगंन जे कोई बी योग्य मतदाता- वोटर लिस्ट चा बाहर नई रवै ते कोई बी आयोग्य नांs सूची च शामिल नई होवै

<><><><><><>

### Three Day Conference

चुनां आयोग अज्जै थमां नमीं दिल्ली च लोकतंत्र ते चुनावी प्रबंधन बारे लोआए जा रदे अंतराष्ट्रीय सम्मेलन 2026 दी मेजबानी करोग। साहड़े संवाददाता मूजब-त्रंऊ दिनें दा एह सम्मेलन लोकतंत्र ते चुनावी प्रबंधन दे खेतर च भारत आसेया आयोजित सब्भनें शा बड़ा सम्मेलन होने गी जा रदा ऐ। दुनिया दे 70 मुख्य थमां तकरीबन 100 अंतराष्ट्रीय डेलीगेटें दे इस सम्मेलन च हिस्सा लैने दी मेद ऐ। सम्मेलन दे दरान चुनां आयोग आसेया बक्ख-बक्ख चुनावी प्रबंधन निकायें कन्ने 40 शा मती दपक्खी बैठकां लाइयां जागंन।

<><><><><><>

### Election Incharge Kerala

भारती जनता पार्टी दे राश्ट्री अध्यक्ष नितिन नबीन होरें केरल च होने आहले विधानसभा चुनाएं लेई विनोद तावड़े होरें गी चुनांs सैह-प्रभारी नियुक्त कीता ऐ। नवीन होरें तेलंगुना च होने आले नगरपालिका ते नगर-निगम दे चुनाएं लेई आशीष शेलार होरें गी चुनांs प्रभारी ते अशोक परनामी ते रेखा शर्मा होरें गी सैह-प्रभारी नियुक्त कीता ऐ।



## EU-leaders

यूरोपीय संघ दे मुखे दे नेता कल वीरवारें इक इमरजेंसी बैठ करंगन। यूरोपीय संघ आयोग दे प्रवक्ता आलोफ गिल होरें इस बारें जानकारी सांझी करदे होई दस्सेआ ऐ जे इस बैठक च ग्रीनलैंड हासल करने सरबन्धी राष्ट्रपति डोनाल्ड ट्रम्प हुंदी इच्छेआ मुजब बादू टैक्स लाने दी अमरीका दी धमकिंग पर ध्यान केंद्रित कीता जाहग। उनें आखेआ कि यूरोपीय संघ टैक्स धमकिंग गी लेइयै सभने स्तरें पर वाशिंगटन कन्ने संपर्क साधने दी कोशिश करा'रदा ऐ ते अपने आर्थिक हितें दी रक्षा लेई हर मुमकिन गें पुट्टा'रदा ऐ। आयोग दे प्रवक्ता नै आखेआ ऐ कि यूरोपी संघ शुल्क लागू होने दी सूरतें च जवाब देने लेई पूरी चाल्ली तयार ऐ। एहदे शा पैहले यूरोपी संघ दे राजदूतें इक इमरजेंसी इजलास लेई पिछले ऐतवारें ब्रेसल्स च मलाटी बी कीती ही।



## Trump -G-7 Meet

अमरीका दे राष्ट्रपति डोनाल्ड ट्रम्प होरें ग्रीनलैंड गी हासल करने दे वाशिंगटन दे जतने गी लेइयै बधदी तनोतनी दे दरम्यान फ्रांस दे राष्ट्रपति इमैनुएल मैक्रो हुंदे आसेया प्रस्तावित जी-7 बैठक च शामिल होने थमां नां करी दिता ऐ। अपने दुए कार्यकाल दा इक बरा पूरा होने पर वाइट हाउस च आयोजित इक कार्यक्रम च ट्रम्प होरें आखेया जे ओह बैठक च शामिल नैई होगन। एहदे शा पैहले मैक्रो होरें

दावोस च विश्व आर्थिक मंच दे बाद जी-7 दी बैठक लेई ट्रम्प होरें गी पेरिस  
औने दा साददा दिता हा।

<><><><><><>

## Motor Vehicle

केन्द्र सरकार नै राश्ट्री जरनैली सिड़कें आले टोल -प्लाज़ें पर शुल्क भुगतान दे  
अनुपालन गी मजबूत करने लेई केन्द्री मोटर- गड्डियें सरबन्धी नियम-2026 गी  
अधिसूचित कीता ऐ। इनें संशोधनें दा मकसद उपयोगकर्ता शुल्क अनुपालन च  
सुधार करना- इलैक्ट्रॉनिक टोल संग्रह दी दक्षता बधाना ते राश्ट्री जरनैली सिड़कें  
पर शुल्क दी चोरी गी रोकना ऐ। सिड़क ट्रांस्पोर्ट ते जरनैली सिड़कें सरबन्धी  
मंत्रालय नै आखेया ऐ जे एह संशोधन जरनैली सिड़कें सरबन्धी राश्ट्री प्राधिकरण  
-NHAI गी पूरे देशे च जरनैली सिड़कें सरबन्धी नैटवर्क दे विकास ते रक्ख-रखाs  
दी टोलिंग प्रणालयें गी बढ़ावा देने च मदाद करगन। प्रावधानें मूजब इक राज्य  
थमां दुए राज्य च गड्डी दे दस्तावेज मुंतिकल करने लेई NoC उसले तगर जारी  
नेई कीती जाहग- जिसलै तगर सरबन्धत व्यक्ति आसेया कुसे बी बकाया पेदे  
शुल्क दा भुगतान नेई करी दिता जंदा।

<><><><><><>

## VB Sleeper

गुवाहाटी दे कामाख्या ते हावड़ा बश्कार “वंदे भारत” स्लीपर रेगड्डी दे पैहले  
बवसायिक फेरे गी यात्रियें दी बड़ी दिल बधाने आली प्रतिक्रिया हासल होई ऐ।  
रेल मंत्रालय नै दस्सेया ऐ जे टिकट आरक्षण शुरु होने दे किश गै घैंटे च सारी

सीटों बुक होई गेइयां। टिकटें दी तौले बिक्री- “वंदे भारत” स्लीपर ट्रेन दियें आधुनिक सुविधाएं दा अनुभव करने दे प्रति यात्रियें दी इच्छेया गी दर्शादी ऐ। इस रेलगड्डी दा शुभारम्भ पिच्छले हफ्तें प्रधानमंत्री नरेन्द्र मोदी होरें कीता हा। एह रेलगड्डी कामाख्या थमां कल ते हावाड़ा थमां शुक्रवारें अपनी पैहली बवसायिक यात्रा शुरू करने गी जा रदी ऐ।

<><><><><><>

## WEF India

अंतराष्ट्रीय सौर गठबंधन ISA नै दावोस च विश्व आर्थिक मंच WEF च करोड़ों बद्दे घरें ते करसानें गी किफायती सौर ऊर्जा प्रदान करने च भारत दी सफलता गी उजागर कीता। ISA दे महा-निदेशक आशीष खन्ना होरें आखेया जे भारत दे सूर्यघर रुफटॉप सौर ऊर्जा योजना दा मकसद 10 करोड़ घरें तगर पुज्ज यकीनी बनाना ऐ। उनें आखेया जे “प्रधानमंत्री कुसुम” कार्यक्रम करसानें आस्तै बिजली संचालित खेती गी बढ़ावा दिंदा ऐ ते व्यवहारिक मॉडल पेश करदा ऐ।

<><><><><><>

## Syria

सीरिया दे गृह मंत्रालय नै आखेआ ऐ कि उत्तर पूर्व सीरिया दी इक जेल थमां इस्लामिक स्टेट दे 120 कैदी फरार होई गए न। मंत्रालय नै इक बयान च आखेआ कि सरकारी थेआरबंद बलें ते कुर्द नेतृत्व आहले सीरियाई डेमोक्रेटिक बलें बशकार झड़प्फें दे बाद एह घटना पेश आई ऐ। अजें कि बयान च इब्बी दस्सेआ गेआ ऐ जे सुरक्षा बलें 81 कैदिएं गी परतिए फगड़ी बी लैता ऐ।

<><><><><><>

## Australia Gun

आस्ट्रेलिया दी संसद नै पिछले म्हीने सिडनी च इक यहूदी उत्सव दरान दऊं बंदूकधारिणं आसेआ 15 लोकें दी हत्या करी देने दे बाद प्रस्तावित नमीं बंदूक पाबंदिणं गी मंजूरी देई दिती ऐ ते प्रस्तावित नफरत बरोधी भाशण कनूनें दे मसौदे पर चर्चा शुरू कीती ऐ। इनें बंदूक कनूनें दे तैहत बंदूक रखने पर नमियां पाबंदियां नाफस कीतियां गेइयां न ते सरकार आसेआ पैहा उपलब्ध कराने सरबन्धी इक काजक्रम बी शुरू कीता गेआ ऐ। एहदे तैहत थेआर सौंपने आहले लोकें गी मुआवजा दिता जाहग। नफरत फैलाने आहले भाशणें दे बरोधी कनून तैहत उनें समूहें गी गैर कनूनी घोशित कीता जाई सकग जेहड़े आतंकी संगठनें दी श्रेणी च नेई ओंदे।

<><><><><><>

## Football

79मीं राश्ट्रीय फुटबॉल प्रतियोगिता संतोष ट्रॉफी असम च शुरू होआ रदी ऐ। असम 7मीं बारी इस प्रतियोगिता दा आयोजन करा रदा ऐ। प्रतियोगिता च कुल 12 टीमां हिस्सा लैगंन- जिनें गी 6-6 दे समूहें च बंडेया गया ऐ। ग्रुप-ए च पिछले बरे दी विजेता टीम पच्छिम बंगाल- मेजबान असम- नागालैंड- राजस्थान- उत्तराखंड ते तमिनाडू शामिल ऐ। ग्रुप-बी च रेलवे- सेना पिछले बरे दी उप-विजेता टीम केरल-पंजाब- मेघालय ते ओडिशा शामिल ऐ। सारे मैचें दा फीफा प्लस प्लेटफार्म पर लाईव प्रसारण कीता जाग। 8 फरवरी गी फाईनल मैच होग।

<><><><><><>

## Cricket

मर्दे दे क्रिकेट च भारत ते न्यूजीलैंड बश्कार 5 मैचें दी टी-20 श्रृंखला अज्जै थमां शुरु होई रदी ऐ। श्रृंखला दा पैहला मैच नागपुर दे विदर्भ एसोसिएशन स्टेडियम च खेडेया जाग। मैच संजा 7 बजे शुरु होग। एह श्रृंखला सूर्य कुमार यादव दी कप्तानी च महत्वपूर्ण मन्नी जा रदी ऐ। इस श्रृंखला गी औंदे ICC मर्दे दे टी-20 विश्व कप दी तयारियें दा अहम हिस्सा मन्नेया जा रदा ऐ।

<><><><><><>